

22 MAR 1998

AGONG UTUS TAHNIAH KEPADA PRESIDEN PAKISTAN

KUALA LUMPUR, 22 Mac (Bernama) -- Yang di-Pertuan Agong Tuanku Ja'afar telah mengirimi perutusan tahniah kepada Presiden Pakistan Mohammad Rafiq Tarar sempena Hari Kebangsaan negara itu hari ini.

Seri Paduka berharap agar hubungan baik yang sedia terjalin antara Malaysia dan Pakistan akan terus kukuh.

Tuanku Ja'afar dan Raja Permaisuri Agong Tuanku Najihah juga mendoakan semoga Presiden Mohammad Rafiq berada dalam keadaan sihat demi kemajuan dan keamanan Pakistan.

Perdana Menteri Datuk Seri Dr Mahathir Mohamad menghantar perutusan kepada rakan sejawatannya Nawaz Sharif sambil berkata hubungan akrab antara Pakistan dan Malaysia adalah bukti usaha dua hala ke arah pemupukan kerjasama dan persefahaman antara kedua-dua negara Islam itu.

Dr Mahathir berharap semoga hubungan erat antara kedua-dua negara dapat diperluaskan mencakupi kerjasama dalam bidang lain.

Menteri Luar Datuk Seri Abdullah Ahmad Badawi pula menghantar perutusan kepada Menteri Luar Pakistan Gohar Ayub Khan. -- BERNAMA

MHI FAZ